

執籙把籍齊到帝前隨所應度嚴校諸天中指

已上正文玉晨道君敘述受度之旨

普告章四十八字普告三界之誥命雙手搢玉清文

普告三界

欲界色界无色界也

无極神鄉

十方无極世界

泉曲之府北都羅酆

北下元右宮也北酆在天地之北癸地名酆都泉曲府羅酆

是北都上山名伏魔經云下方正北有一大海穢惡腥黑莫

道藏輯要

度人經法

巽

亢集七

測邊際中有一山高十萬六千里上參碧落下入風泉名曰

北都羅酆山山近水面有一大洞名曰陰景天宮周迴三萬

六千里中有三十七獄主此洞者名曰太陰天君此洞之外

山上別有六洞六天大魔各主其一即太陰天君外六曹也

六曹小吏合有三十六萬人第一洞名曰紂絕陰天宮第二

洞名曰泰煞諒事宗天宮第三洞名曰明晨耐犯武成天宮

第四洞名曰恬照罪炁天宮第五洞名曰宗靈七非天宮第

六洞名曰敢司連宛屢天宮經云能持此六宮名號生敬畏

者即得魔王保舉削落死名生死受賴獲福无量已上六宮

與太陰天君洞中六宮互相關報主執罪罰子司曹局因事

受職千千萬萬何可勝言

### 三官九署

天地水三官也三官各有三府故曰九署按三元品戒經上元天官隸玉清境結青黃白三炁而置三官中官名元陽七寶紫微宮宮置左右中三府左府主生官太陽火帝考右府主死官太陰水帝考中府主生死罪福風刀之考左官名太玄都元黃太極左宮卽玉清左相宮也亦置三府右官名太玄都洞白太極右宮是清微宮也亦置三府主考一同中官上元三官宮統三府府統四曹合三十六曹中元地官隸上清境結元洞混靈之炁凝極黃之精而成其中官名洞靈清

### 道藏輯要

度人經法

署

元集七  
X111

虛宮宮置左右中三府左號耐犯明晨府右號紂絕陰天府中號七非恬照府主考罪福不異上元左官名南極洞陽宮宮置三府左號諒事府右號宗靈府中號靈如神府右官名北酆宮一名陰天宮宮置三府左號連宛泉曲府右號泰煞九幽府中號罪炁咸池府中元三官九府合四十二曹主考不異上元下元水官隸太清境結風澤之炁凝晨浩之精而成其中官號暘谷洞泉宮一名青華方宮置左右中三府左號青元靈名府右號九泉寒夜府中號朔單青靈府左官名青靈宮宮置三府左號靈劫府右號長夜府中號靈寶劫又府右官名酆都宮宮置三府左號開度劫量府右號泉曲鬼

神府中號通靈大劫府下元三宮九府共四十二曹主考不異中元三元總九宮二十七府百二十曹左主生事右主死事有功書左府青簿有罪書右府黑簿若罪中涉福福中涉罪則不專一曹得道奏中宮有功奏左府有罪奏右府每至三元之日集校列奏三官

### 十二河源

玄師曰十二分野有十二水河之源湊於元極混海泄水於天河東井之源也

成玄英註此明黃水之華鍊度死魂之事十二者年中十二月也河源者河即天河也天有二十八宿東井星是天河之

### 道藏輯要

度人經法

哭

元集七  
川卷八

源眾水之泉月為太陰之精諸水之母月行則每月一周天一年十二月每月中有一日月交皆於東井華池之境吐水灌注此鍊度死魂之所故云十二河源以明其事又見三五順行經

上解祖考億劫種親疾除罪簿落滅惡根不得拘留逼合鬼羣

玉清  
文挑

符命章

玉清  
文

元始符命時刻昇遷北都寒池部衛形魂制魔保舉

法曰制魔保舉度人

度品南宮死魂受鍊仙化成人身受度劫劫長存隨劫輪轉